



SIUMUT INATSISARTUNI ILAASORTAATITAT

25. januar 2012

Inatsisartut suleriaasianni § 37 naapertorlugu Naalakkersuisunut apeqqutit imaattut saqqummiup-pakka:

1. **Kalaallit Nunaanni inuuusuttut 25 inorlugit ukiullit pinngitsoornatik suliffeqarnissaannik qularnaveeqquummik Naalakkersuisut aallartitsilersaarpas?**
2. **Inuuusuttut 25-it inorlugit ukiullit suliffissaannik qulakkeerneqarnerat qanoq ataatsimoortumik aningaasaqarnermut kinguneqaateqassava?**
3. **Inuuusuttut 25 inorlugit ukullit suliffeqarnissaannik qulakkeerneqanngippata, tamanna qanoq ataatsimoortumik kinguneqaateqassava?**
4. **Nunani avannarlerni naalakkersuisut inuuusuttut suliffissaaleqinerisa akiorneqarnissaannut ataatsimoorussamik nunat avannarlert periusissaannik ineriartortsinissamut nunarsuarmioqataanermullu atatillugu suliffissaqarnikkut ineriartortsinermi unammilligassat pillugit Nunani Avannarlerni Siunnersuisoqatigiit kaammattutaannut Naalakkersuisut qanoq suleqataalersaarpas?**

(Inatsisartunut ilaasortaq, Kim Kielsen, Siumut)

Tunngavilersuut:

Ukiuni kingulliunerusuni inuuusuttut amerlanerugaluttuinnartut suliffissaqannginneq imaluunniit ilinniarsimanginneq pissutigalugu inuiaqatigiit ineriartornerisa avataani inississimasut amerliartuinnarnerat Nunani Avannarlerni Siunnersuisooqatigiit maluginiarpaat. 2011-mi ataatsimeersuarnermi Nunani Avannarlerni Siunnersuisooqatigiit siunnersuut **A 1510** Nunani avannarlerni ataatsimoorussamik inuuusuttut suliffissaqannginnerannut akiuiniarnissamik imaqartoq akuersissutigaa.

Suliffissaaleqineq inuuusuttunik utoqqaanerusunilluunniit eqquigaluaraangat, tamanna inuuniarnikkut inuiaqatigiinnullu annertuumik sunniuteqartarpooq.

Suliffissaaleqineq nammineq innuttaaqataasup sulisartutut inuuneranit peqataatitsininginnerullunilu naammaginartumik akissarsiaqarsinnaaneranit peqataatitsinnginneruinnarani ingammik inuuusuttut suliffissaaleqisarnerat inuuusuttut inuunerminnik sinnerani suliffeqarnermut attuumassuteqarnerannut annertuumik kinguteqaateqartartoq ilasortat siunnersuutaanni **A 1510**-mi oqaatigineqarpoq.

Inuuusuttut ilinniagaqarlutillu inuiaqatigiit ineriartornerannut inuulluataarnitsinnullu ilapittuinissamut tunngatillugu imminkut pilersornissamut ilinniarnissaat immikkut pingaarutilittut suliniuteqarfissatut isigineqarpoq.

Ukiuni makkunani immikkut ilinniartitaanermut tunngasunik suliniuteqartoqarnera arajutsisimangilara, taamatullu ilinniartitaanermut tunngasunik suliniuteqarneq naammaginartumik inernejarnersoq ataavartumik oqaluuserineqarpoq. Inuuusuttulli tamarmik



SIUMUT INATSISARTUNI ILAASORTAATITAT

suliffissaqarnissamik ilinniartitaanissamilluunniit qulakkeerneqarnissaat angusariaqarpapput.
Tamannami pinngippat tamanna inuiaqatigiit ineriartornerannut kigaallassaataasumik inunnut
ataasiakkaanut inuiaqatigiinnullu kinguneqassaaq.

Apeqqutinut akissutit ullut qulit iluanni tiguneqarnissaat ilimagaara.